



SA Jagters- en Wildbewaringsvereniging
SA Hunters and Game Conservation Association

Bewaring deur volhoubare benutting / Conservation through sustainable utilisation

IGRF PRESISIE (25M) (ONDER 25 JAAR)

25M PRESISIE KLEINKALIBER (SI01)

1. Inleiding

Die IGRF presisie 25m en 50m oefeninge is internasionaal erkende IGRF-skietoefeninge wat deur lidlande (Suid-Afrika, Australië, Engeland, Ierland, Zimbabwe en Duitsland) by internasionale byeenkomste geskiet word.

MEDALJES	
STREEK	NASIONAAL

Die Raad van die IGRF het die 25m presisie skietoefening gekies as ontwikkelingskietoefening wat juniors op 25m met 'n drukluggeweer of 'n randslaggeweer kan skiet. Hierdie opsie maak ekonomiese oefening en ontwikkeling moontlik. Die IGRF ken ook federasie skietkleure toe aan ontwikkelende skuts wat die IGRF kwalifiserende doelwitte bereik.

Die 50m presisie skietoefening is een van die internasionale oefeninge vir die IGRF wêreldkampioenskap wat as aanmoediging dien vir juniors om daaraan deel te neem.

2. Streekvlak

Om te kwalifiseer vir SAJWV streek sportskietkleure moet 'n junior aan ten minste een streekskietkompetisie deelneem en die kwalifiserende skietoefeninge skiet by 'n geregistreerde SAJWV streekskietkompetisie in 25m kleinkaliber en 'n minimum telling van 240 uit 300 punte (80%) behaal.

3. Nasionale vlak

- 3.1 Deelname: Juniors wat op streekvlak aan SAJWV se geregistreerde streek sportskietoefeninge van die SAJWV deelgeneem het en die Top 50 IGRF Presisie onder 25 jaar Kleinkaliber ranglys haal, sal volgens die streekranglys na die SAJWV nasionale juniorkampioenskappe genooi word om deel te neem in die skietoefening waarin hy/sy gekwalifiseer het.
- 3.2 Kleure: Deelnemers wat tydens die nasionale sportskietkampioenskappe die kriteria soos vir streekkleure hierbo uiteengesit behaal, verwerf:
 - 3.2.1 SAJWV nasionale sportskietkleure: indien hy/sy reeds streekkleure vir die betrokke jaar verwerf het;
 - 3.2.2 SAJWV streek sportskietkleure: indien die skut nie reeds streekkleure vir die betrokke jaar verwerf het nie.

4. Ouderdom

Om te kwalifiseer as 'n junior (0/25) volgens die IGRF reëls moet die skut op 1 Januarie nog nie 25 jaar oud wees nie en mag dan vir die res van die betrokke jaar deelneem aan die junior (o/25) skietoefening. Skuts moet minstens 12 jaar oud wees.

5. Gewere en kalibers

5.1 Drukluiggeweer: [Lug / Co2] – (SI01)



5.2 22 RL Randslagwapens: (aksie onbeperk) – (SI01 en SI03)



Ruger 10-22



Smith & Wesson M&P 15-22




.22 LR Randslag grendelaksie

5.3 Randslagammunisie : Slegs .22 LR en .22 kort randslag ammunisie word toegelaat.

6. Visiere, teleskope, verkykers en *spotting scopes*

6.1 'n Laser wat op die teiken projekteer word nie toegelaat nie.

6.2 Die volgende visiertipes word toegelaat:



Elektroniese optiese visier



Gaajtjievier



Oop visier



Teleskoop

6.3 Skuts mag verkykers en *spotting scopes* gebruik om skootplasing te bepaal en visier/teleskoop verstellings mag gemaak word gedurende die skietoefening. Geen skuts gaan gedurende die skietoefening vorentoe om teikens te inspekteer nie.

6.4 Geen helpers of afrigting word toegelaat op die skietpunt nie.

7. Toerusting wat nie toegelaat word nie

7.1 Geweerbande

7.2 Skiethandskoene

7.3 Kolfhakke



Kolfhakke wat addisionele ondersteuning bied, word toegelaat nie

8. Skietoefening:

8.1 Die Baanoffisier of tydhouer neem die tyd met 'n stophorlosie

8.2 Tydperk vir skietoefeninge en rusperiodes: Daar word 5 minute toegelaat vir die proefskote, 5 minute elkeen vir die 3 reekse van 10 telskote elkeen en 5 minute rusperiodes. Hierdie tyd kan verkort word mits al die skuts aangedui het dat hulle gereed is om voort te gaan. Hierdie reël het die doel om onnodige verspeling van tyd op die skietpunt, te beperk.

8.3 Oog- en oorbeskerming moet gebruik word tydens die uitvoering van die skietoefening

8.4 Afstand: 25m

8.5 Aantal skote: 30 skote in 3 reeks van 10 skote elk in 5 minute

8.6 Skietposisie: Vryhand staan, sonder enige bykomende ondersteuning

8.7 'n Tafel vir die skut se geweer/toerusting word sterk aanbeveel

8.8 Veiligheid: die geweer se loop moet te alle tye in 'n veilige rigting (rigting van die teiken) wys tydens alle herlaai-aksies of storings, en die snellervinger moet altyd buite die snellerbeuel wees totdat die visiere op die teiken is.

9. 25M PRESISIE KLEINKALIBER (SI01) – Skietoefening en bevel:

9.1 Voorbereiding

- **Bevel 1:** “Skuts na die skietpunt, gewere bly in sakke of tasse tot verdere bevel”
- **Bevel 2:** “Die baan is gesluit (toe)”
- **Bevel 3:** “Haal uit, verklaar en wys veilig”

- Op die Baanoffisier se bevel, haal die skut die geweer uit met die loop te alle tye na die teiken gerig en wys aan die Baanoffisier dat dit veilig is en plaas dit op die tafel.

Grendelaksie gewere: grendel oop, die magasyn verwyder of leeg vir 'n integrale magasyn en geen patrone in die kamer nie. Moderne Sportskietgewere (semi-outomaties): maak die aksie oop, laat dit in die oop posisie en wys dat die kamer en magasyn leeg is - haal die magasyn uit indien dit verwyderbaar is.

- Die skut neem stelling in agter die tafel by die skietpunt

- Die baanoffisier beklemtoon dat die geweer se loop te alle tye in 'n veilige rigting (rigting van die teiken) moet wys tydens alle herlaai-aksies of storings, en dat die snellervinger altyd buite die snellerbeuel moet wees totdat die visiere op die teiken is;
- **Skietoefening;** Die Baanoffisier verduidelik die skietoefening aan die skuts:
 - skuts kry 5 minute vir onbeperkte proefskote op die inskietdiagramme links en regs bo op die teiken;
 - Die skietoefening bestaan uit 30 telskote in 3 reekse van 10 skote elkeen, elke reeks in 5 minute uit die vryhand staanposisie met geen bykomende ondersteuning nie
 - 5 minute rusperiode tussen proefskote en reekse skote
 - verkykers of *spotting scopes* mag gebruik word om skootplasing te bepaal en verstellings mag gemaak word gedurende die skietoefening
 - Geen skuts gaan vorentoe om teikens te inspekteer nie
- **Bevel 4:** “*Neem skietposisie in*”
- **Bevel 5:** “*Oog- en gehoorbeskerming*”

9.2 Proefskote: “*Skuts het 5 minute tyd vir onbeperkte proefskote:*”

- **Bevel 6:** “*Laai en maak gereed*” (magasyn gelaai, maar aksie bly oop)
 - **Bevel 7:** “*Is almal gereed?*” (indien 'n skut nie gereed is nie, word “*nie gereed*” uitgeroep en die skut kry addisionele tyd om gereed te maak)
 - **Bevel 8:** Die Baanoffisier roep weer uit: “*is almal gereed*” (indien geen terugvoer nie, word aanvaar almal is gereed)
 - **Bevel 9:** “*Almal is gereed – staan by*”
- Gereedposisie:** Vryhand staanposisie met die geweer in die skouer, magasyn gelaai, maar die aksie bly oop
- **Bevel 10:** “*Vuur!*”
 - Met die geweer gerig op die teiken, die skut sluit die aksie en skiet 'n onbeperkte aantal proefskote in 5 minute
 - **Na 5 minute tydsverloop**
 - **Bevel 11:** “*Stop!*”
 - **Bevel 12:** “*Ontlaai, maak veilig*”
 - Die skut ontlaai die geweer, plaas dit voor hom op die tafel en verklaar “*veilig*”. Grendelaksie gewere: grendel oop, die magasyn verwyder of leeg vir 'n integrale magasyn en geen patrone in die kamer nie. Moderne Sportskietgewere (semi-outomaties): aksie oop, laat dit in die oop posisie en wys dat die kamer en magasyn leeg is - haal die magasyn uit indien dit verwyderbaar is.
 - Die skut bly in posisie agter die tafel by die skietpunt.
 - **Vyf minuut rusperiode** – verwyderbare magasyn mag nou gelaai word, maar word eenkant gehou en nie in wapens geplaas nie. Slegs op bevel van die Baanoffisier mag magasyn in gewere geplaas word.

9.3 Eerste reeks van 10 telskote: *Skuts se eerste reeks van 10 telskote in 5 minute*

- **Bevel 5:** “Oog- en gehoorbeskerming”
- **Bevel 6:** “Laai en maak gereed” (magasyn gelaai, maar aksie bly oop)
- **Bevel 7:** “Is almal gereed?” (indien ‘n skut nie gereed is nie, word “nie gereed” uitgeroep en die skut kry addisionele tyd om gereed te maak)
- **Bevel 8:** Die Baanoffisier roep weer uit: “is almal gereed” (indien geen terugvoer nie, word aanvaar almal is gereed)
- **Bevel 9:** “Almal is gereed. Staan by”

Gereedposisie: Vryhand staanposisie met die geweer in die skouer, magasyn gelaai, maar die aksie bly oop

- **Bevel 10:** “Vuur!”
 - Met die geweer gerig op die teiken, die skut sluit die aksie en skiet 10 skote in 5 minute
- **5 minute tydsverloop**
- **Bevel 11:** “Stop!”
- **Bevel 12:** “Ontlaai, maak veilig”
 - Herhaling van die prosedure hierbo – bevel 12 van proefskote
 - Die skut bly in posisie agter die tafel by die skietpunt.
- **5 minute rusperiode:** verwyderbare magasyn mag nou gelaai word, maar word eenkant gehou en nie in wapens geplaas nie. Slegs op bevel van die Baanoffisier mag magasyn in gewere geplaas word.

9.4 Tweede reeks skote van 10 telskote in 5 minute op diagram B gaan begin

- Herhaal skietoefening en bevele soos by 9.3


9.5 Derde reeks skote van 10 telskote in 5 minute op diagram C gaan begin

- Herhaal skietoefening en bevele soos by 9.3 plus
- **Bevel 13:** “Stop”
- **Bevel 14:** “Ontlaai, maak veilig”
 - Die skut ontlai die geweer, plaas dit voor hom op die tafel en verklaar “veilig”. Grendelaksie gewere: grendel oop, die magasyn verwyder of leeg vir ‘n integrale magasyn en geen patrone in die kamer nie. Moderne Sportskietgewere (semi-outomaties): sluitstuk oop, laat dit in die oop posisie en wys dat die kamer en magasyn leeg is - haal die magasyn uit indien dit verwyderbaar is.
 - Die skut bly in posisie agter die tafel by die skietpunt.
- **Bevel 15:** “Wys veilig”
 - Die Baanoffisier bevestig dat die wapen veilig is
- **Bevel 16:** “pak weg”
- **Bevel 17:** “Die baan is veilig, tel doppies op en ontruim die skietpunt”

9.6 **Tellingberekening:** Slegs skote op die A, B en C teldiagramme van die teikens geskiet, word getel. Die maksimum telling wat behaal kan word is 'n totaal van 300 punte (3 telkaarte, 10 skote per kaart - 3 telkaarte x 10 skote x 10 punte = 300 punte totaal)

10. Teikens:

10.1 **Teiken S03:** Streek- en nasionale skietkompetisies - **Teikengrootte A3 (29.5cm x 42cm)**
25M PRESISIE KLEINKALIBER (SI01) – Randslag- en Drukluiggeweer



11. Tellingadministrasie

'n Erkende SAJWV-skietkoördineerder moet die tellings via die tablet na die nasionale kantoor se databasis stuur. Kwalifiserende skuts in hierdie sportskietoefening kan lapkentekens by die skietverteenvoordiger aanvra wat dit by die nasionale kantoor bestel.

12. Lapkentekens

Bron: 180 uit 300 (60%)

Silwer: 210 uit 300 (70%)

Goud: 240 uit 300 (80%)